

# Pakej dilaksana secara fasa formula terbaik

**SHAH ALAM** - Pakar ekonomi bersetuju pelan pelaksanaan pakej rangsangan ekonomi domestik dilaksanakan mengikut fasa bagi menangani masalah kelembapan ekonomi sepanjang tahun ini.

Pakar ekonomi daripada Putra Business School (PBS), **Profesor Madya Dr Ahmed Razman Abdul Latiff** berkata, keperluan melaksanakan pakej rangsangan ekonomi sangat mendesak susulan penularan wabak koronavirus (Covid-19) menambahkan kesan kemelesetan ekonomi dunia dan negara.

Menurutnya, kerajaan perlu mencontohi pemerintah China yang sudah membentangkan pakej rangsangan ekonomi negara itu bernilai RM91 bilion susulan sektor pelancongan negara berdepan kerugian RM6 bilion sehingga kini.

“Bagaimanapun, suntikan rangsangan ekonomi bakal dikemukakan kelak tidak perlu sehingga RM21 bilion seba-



**DR AHMED RAZMAN**



**DR RUSMAWATI**

liknya dilaksanakan secara berfasa dengan fasa pertama membabitkan jumlah RM10 bilion hingga RM15 bilion,” katanya kepada *Sinar Harian* semalam.

Sentimen sama turut dikongsi Pensyarah Fakulti Ekonomi dan Pengurusan Universiti Putra Malaysia (UPM), **Profesor Madya Dr Rusmawati Said** yang berpendapat, pelan suntikan rangsangan ekonomi negara perlu dilaksanakan secara bersasar atau berfasa.

“Mengenai cadangan unjurran suntikan dana bagi merangsang ekonomi negara sebanyak RM21 bilion, adakah negara kita mempunyai keupayaan kewangan sebanyak itu?

“Kalau ada sekalipun, mungkin unjurran nilai itu lebih berbaloi disalurkan secara bersasar dan berfasa dengan fokus penyalurannya kepada sektor yang membantu meningkatkan pembangunan ekonomi domestik negara seperti pertanian dan kesihatan,” katanya.